

PODACI O PROJEKTU

Bosna i Hercegovina Mart 2017. godine

EFIKASNO PRAVOSUĐE U SLUŽBI GRAĐANA



Kako bi zaštitilo prava građana i sačuvalo njihove interese, pravosuđe mora imati kredibilitet, biti efikasno, nezavisno i odgovorno. Projekat „Podrška pravosuđu Bosne i Hercegovine – Jačanje uloge tužilaca u sistemu krivičnog pravosuđa“ pruža potporu vlastima u BiH za unapređenje tužilačkog sistema i povećanje povjerenja javnosti u rad tužilaca.

Kompleksna administrativna i pravna struktura BiH postavlja i pravosuđe pred mnogobrojne izazove. U cijelom pravosudnom sistemu prisutna je neefikasnost, dok određena finansijska ograničenja i fragmentirane budžetske nadležnosti potkopavaju nezavisnost pravosuđa u BiH. Ova finansijska ograničenja, zajedno sa ograničenjima u kapacitetima, uzrokovala su akumuliranje slučajeva, što je dovelo do značajnog preopterećenja pravosudnog sistema.

Trenutno ima 15.605 neriješenih slučajeva u uredima tužilaca, od kojih je 4.076 neriješenih istraga. Od ovih neriješenih istraga, 2.092 su starije od tri godine. Prosječno vrijeme potrebno da se riješe kriminalistički izvještaji u uredima tužilaca u BiH je 311 dana, dok je prosječno vrijeme potrebno za završavanje istrage 156 dana.

Iako je BiH započela važne reforme u pravosudnom sektoru kako bi ojačala vladavinu zakona, proces tranzicije prema integraciji u Evropsku Uniju zahtijeva dugoročna nastojanja i temeljne promjene u pravosudnom sistemu države.

KOMPLEKSNE POTREBE KRIVIČNOG PRAVOSUĐA ZAHTIJEVAJU EFEKTIVAN I TRANSPARENTAN SISTEM

Visoko sudsko i tužilačko vijeće Bosne i Hercegovine (VSTV BiH) utemeljeno je 2004. godine i predstavlja centralno državno pravosudno tijelo koje zastupa nezavisno, odgovorno i profesionalno pravosuđe. Projekat „Podrška pravosuđu BiH – Jačanje uloge tužilaca u sistemu krivičnog pravosuđa“ pomaže VSTV BiH u praćenju rada tužilaštava, te razvija kapacitete tužilaca da vode krivične istrage u skladu sa međunarodnim standardima. Kako bi se unaprijedila efikasnost i kvaliteta rada tužilaca, potrebno je ojačati suradnju i koordinaciju između tužilaca i policije pri vođenju istraga. Nadalje, uredi tužilaca usvojiti će nove metode i mehanizme kako bi smanjili nagomilavanje predmeta, ali ujedno i povećali procesuiranje prioriternih slučajeva organiziranog kriminala i korupcije.

Odgovornost prema građanima i izgradnja povjerenja javnosti trebali bi biti ključni aspekti rada tužilačkog sistema. Kompleksne potrebe krivičnog pravosuđa u zemlji zahtijevaju transparentnost i profesionalnu komunikaciju koja će doprinijeti poboljšanju percepcije javnosti o tužilaštvu. Projekat će osigurati da se u tužilačkom sistemu razvije bolji pristup prema građanima BiH, te će šira javnost biti informisana o mandatu i ulozu tužilaca unutar sistema krivičnog pravosuđa. Nadalje, biće uspostavljene programi prevencije zločina, kako bi se na taj način osigurala suradnja tužilaštva i civilnog društva.

Ova zajednička suradnja i širi djelokrug aktivnosti uključivat će sva tužilaštva, policijske agencije, entitetske centre za edukaciju sudija i tužilaca i po-

licijske akademije, ministarstva pravde, udruženja tužilaca, civilno društvo, te medije zainteresovane za pitanja krivičnog pravosuđa. Stručna podrška iz Tužilaštva Kantona Ciriha će također biti omogućena unutar projekta. Kroz djelovanje širom zemlje, projekat će okupiti 800 profesionalaca koji će omogućiti građanima BiH pristup efikasnom i transparentnom tužilačkom sistemu.

OBUKA PROFESIONALACA U ISTRAŽITELJSKIM TEHNIKAMA, POVEĆAN BROJ KRIVIČNIH ISTRAGA

Prva faza projekta fokusirala se na jačanje Visokog sudskog i tužilačkog vijeća BiH (VSTV BiH) i stvaranje dobre osnove za buduće ključne reforme. Razvijeni su tehnički kapaciteti VSTV BiH za uspješno praćenje rada 20 tužilaštava. Nadalje, razvijeni su i kapaciteti policijskih službenika i tužilaca kako bi mogli koristiti precizne istražiteljske tehnike – 437 profesionalaca je obučeno. Tužilaštva su u svoj rad uključila strateško planiranje, a urađeni su i amandmani na krivični zakon i zakon o krivičnom postupku. Efikasnost tužilaca se poboljšala, a broj neriješenih krivičnih istraga je smanjen za 11%.

Trenutno je u implementaciji druga faza projekta, koja se provodi u partnerstvu vlada Švicarske i Norveške.



SAŽETAK PROJEKTA

NAZIV:

Podrška pravosuđu Bosne i Hercegovine – Jačanje uloge tužilaca u sistemu krivičnog pravosuđa

DOMENA:

Demokratska uprava, općinske usluge i pravda

TEMA:

Uprava, institucije i decentralizacija

ZEMLJA/REGIJA:

Bosna i Hercegovina

PARTNERI:

Visoko sudsko i tužilačko vijeće BiH (VSTV BiH), implementirajući partner
Ministarstva pravde (državni, entitetski i kantonalni nivo) Ministarstva unutrašnjih poslova (entitetski i kantonalni nivo)
Ministarstvo sigurnosti BiH
Entitetski centri za edukaciju sudija i tužilaca
Tužilaštva Kantona Ciriha

POLAZIŠNA TAČKA / POZADINA:

Pravosuđe BiH nosi značajan teret usljed finansijskih ograničenja i ograničenja u kapacitetima, što rezultira masovnim nagomilavanjem slučajeva. Trenutno u uredima tužilaca ima 15.605 neriješenih slučajeva, od kojih je 4.076 neriješenih istraga. Od ovih neriješenih istraga, 2.092 su starije od tri godine. Prosječno vrijeme potrebno da se riješe kriminalistički izvještaji u uredima tužilaca u BiH je 311 dana, dok je prosječno vrijeme potrebno za zatvaranje istrage 156 dana. Uz to, povjerenje javnosti prema radu tužilaca je izrazito nisko, te postoji iznimno važna potreba za unapređenje efikasnosti i transparentnosti tužilačkog sistema.

CILJ PROJEKTA:

Projekat ima za cilj unaprijediti efikasnost i transparentnost rada tužilaca, kroz pružanje podrške Visokom sudskom i tužilačkom vijeću BiH u praćenju rada tužilaca i razvoju kapaciteta tužilaca da sprovedu krivične istrage u skladu sa međunarodnim standardima. Projekat je također usmjeren na pružanje podrške tužilaštvima da smanje nagomilavanje slučajeva, te povećaju procesuiranje prioritarnih slučajeva organiziranog kriminala i korupcije.

CILJNA GRUPA:

20 tužilaštava, uključujući minimalno 360 tužilaca, 20 glavnih tužilaca, glasnogovornici tužilaštava, medijski profesionalci, 14 policijskih agencija, dva entitetska centra za edukaciju sudija i tužilaca, nevladine organizacije aktivne u pravosudnom sistemu, tri profesionalna udruženja tužilaca.

BUDŽET:

CHF 3'356'000 (faza 1)

CHF 4'425'000 (faza 2 / CHF 3'000'000 osigurava Švicarska vlada, a CHF 1'425'000 osigurava vlada Norveške)

TRAJANJE:

01.10.2010. – 30.11.2014. (faza 1)

01.12.2014. – 30.11.2018. (faza 2)

DODATNE INFORMACIJE I KONTAKT PODACI

Swiss Agency for Development and Cooperation (SDC)
Cooperation with Eastern Europe,
Western Balkans Division
Freiburgstrasse 130, 3003 Bern
Tel. +41 (0)58 462 22 12
E-Mail: deza-oza@eda.admin.ch
www.sdc.admin.ch

Ambasada Švicarske u Bosni i Hercegovini
Zmaja od Bosne 11, Zgrada RBBH, objekat B
BiH-71000 Sarajevo
Tel. +387 33 27 58 50, +387 33 25 40 30
Fax +387 33 57 01 20
E-Mail: sar.vertretung@eda.admin.ch
www.eda.admin.ch/bosnia-and-herzegovina